

鄱陽縣志

卷二十一

雜志一

災祥

事考

卷二十二

雜志二

古蹟

塚墓

鄱陽縣志

目錄



災祥

春秋書列國災異一百二十二他如有年大有年之書猶未若六月雨為善詞蓋責成人事如此其重且備鄙地志怪莫富于夷堅十志洎先民纂輯邑乘更參諸史傳附以聞見其于五行之變亦綦備矣然大抵詳咎徵而畧瑞應其猶竊春秋之旨乎至有事瑣義迂無關休咎而亦仍舊貫誠以天道遠矣倚伏之機此以為常者安知彼不以示異并存之以詒嗜奇者

吳

鄱陽縣志

卷二十一

災祥

黃武元年黃龍見

赤烏三年十一月饑

九年五月白虎仁

豫章書作赤烏十一年

晉

元康四年秋七月白鳥見

豫章書

太興元年枯樟更生內史王廙疏聞

永和十二年九月甲申白兔見太守王著之以獻并上頌

宋

文帝二十九年秋八月癸酉白鹿見鄱陽南中郎將武陵

王煒以獻 豫章書

齊

永明十年獻一角獸龍首鹿形龍鸞共色 豫章書

唐

永徽元年六月大水溺死數百人

顯慶元年十一月己巳火

貞元十一年六月暴雨水溢城郭壞漂沒數千家

元和七年五月大水

十一年大水漂失四千七百戶 綱目

宋

太平興國二年獲六目龜以獻

鄱陽縣志

卷二十一

災祥

二

大中祥符三年春三月獻芝草四本 豫章書

六年夏四月承天院東山生紫芝四本蓮葉 豫章書

天禧元年夏四月竹生穗如米

熙寧三年夏六月己未長山雨木子數畝狀類山芋子味

香而辛土人以為桂子又曰菩提子是年大稔

元豐元年旱

建炎二十七年有妖鳥鳧身鷄尾長喙方足赤目止民屋

數日彈矢不能中

紹興六年冬雨水壞城郭四百六十餘丈

九年饑斗米千錢

十四年旱

二十一年石門張傭家籬竹生重萼牡丹又城中汪念一家竈鼎生金色蓮花

隆興九年五月水壞田圩沙塞四百餘畝

乾道四年大水饑

六年春旱至冬不雨大饑

七年饑人食草實多流徙遺孩滿道賑之不給詔立勸分賞格內出左帑增賑收育弃兒

淳熙八年正月至十一月不雨民大饑流入淮鄰者萬餘人

鄱陽縣志

卷二十一

三

十年南鄉民產子兩肘有三臂長能闢六臂並運後不知所終

十四年五月旱給僧度牒鬻以糴米備賑

紹熙四年民間二小鼠食牛角三徙牛卒不免角穿肉瘡以斃

五年水七月紫樞坊二犬共搏一蝮俄頃三物俱斃
慶元元年民家一猫領數十鼠隨行相哺如子母或殺猫而鼠舐其血

三年壘舍雞卵出蛇

嘉定九年五月大水害稼壞廬舍

十年饑民多聚為盜

紹定間產芝二本黃房紫萼十二層十六葉在饒州宣聖

殿 通志

淳祐十二年六月淫雨水漲溺者無筭

元

元貞元年夏五月大水 豫章書

大德元年五月大雷雨山澤龍出舟行樹杪漂沒民居

六年夏六月大饑

至治二年產麥兩歧禾六穗總管王都中以獻

天歷元年大旱饑

鄱陽縣志

卷二十一

美祥

四

至元元年冬十二月地震 豫章書

至正十一年冬雨樅子大如黍黑赤色民多取而食之

十三年大旱

十四年大饑兵亂男女殍死者人爭食之

二十三年二月三夜枉矢星殞于鄱陽湖曳骸如筭

明

洪武二年霪雨四月至六月城中水深丈餘冬始平城多

傾圮

建文二年大水 豫章書

永樂元年秋蝗旱

二年正月四日大雷雨積潦至五月七日惡風作水漲城中深二丈許漂廬舍溺死者以數千計壞城郭五百餘丈居民往來以舟七月始平民大饑斗米值寶鈔二十貫該銀三錢七分五釐

十年四月大水

十四年七月暴雨山穴蛟出水溢沙石塞田不可耕者十之三

洪熙元年二月地大震秋七月又大震河水盈蕩屋瓦有聲

宣德元年八月火燬民舍千餘

鄱陽縣志

卷二十一

災祥

五

六年水大饑

八年大水

正統五年七月大火延燒三千八百四十二家

七年民顧勵妻夏氏一乳生三子郡縣以聞詔賜粟帛復其家

正德二年秋八月後港蘿蔔菜葉如劍如旗油菜結四實

如鳥狀 豫章書

八年冬嚴寒草木多死

十六年六月大水

嘉靖元年五月大水市上行舟六月大風拔木

二年大饑冬十二月除夕風雪大作平地須臾尺餘
飄入民居燈燭皆滅行李凍死相枕籍至元旦下午
方止

五年五月二十五夜虎入城及順昌王府前命力士
搏殺之

八年水

二十三年四月不雨至於九月大饑

二十四年旱大饑

三十五年水

三十七年獲白鹿府志作白兔

鄱陽縣志 卷二十一 災祥

四十年獲白雁

四十一年水

四十二年蠙洲有牛腹大異常忽雷電遶其身產犢
如駒鱗角俱具後莫知所往

隆慶元年訛言刷童女一時婚嫁殆盡

萬歷三年旱饑是年夏日食既晝如黑夜移時乃復

十三年秋旱蟲食粟盡

十五年十六年十七年旱饑疫相繼死者載道米價
騰貴知府劉惠喬捐贖及鹽稅漁課舊例之公費盡
以贍救貧民

二十四年三月大風雨雹

二十六年靈芝門民舍猪產子六一人形一象形一
無耳目

二十八年春雷震府學正殿秋地震

三十年夏大水冬旱

三十一年永平關有物如塊喘動作人啼笑聲擊之
不能斃數日滅

三十二年十一月九日地大震

三十六年五月大水舟行市上壞城郭廬舍水時同
知詹軫光日坐小艇家至人間捐贖費輕重分哺之

鄱陽縣志

卷二十一

災祥

七

六月始平秋饑

四十一年五月大水舟行市上壞城郭廬舍較三十
六年尤甚民多饑死

四十二年五月大水與先年同

四十三年七月大風雨折文宗方伯乙酉同升吳楚
雄鎮三坊

四十四年正月大雪深四五尺

天啟元年謠言刷童女民間一時婚嫁殆盡

五年春饑米價騰貴

崇禎二年秋七月郡城民居火日數十發知府張有譽開

水巷及西河以厭之冬大饑

四年十月地震

七年三月地震夏大水害稼

九年春永平門扇無故自折夏大旱斗米銀二錢

十年春雨木冰有飛虎自北來止義倉前其狀虎頭鳥翼

十二年水湖中盜起商賈不通民大饑知府張允掄疏商并賑之

十六年自秋及冬郡城屋瓦無故發聲鐵薰桿忽躍出座外

鄱陽縣志

卷二十一

災祥

八

國朝

順治三年自四月不雨至十有一月

四年春大饑斗米錢數千實計銀壹兩二錢夏積雨大無麥民蓄草根木實俱盡遂食土餓莩載道

五年六月大風拔木凡六日城內坊表半折蛟水大作漂沒民居無算雞生四翼四足

九年二月地震

十年四月大雨雹有蛟自舊所堂中起河中巨舟翻溺不可勝計紫極宮通明殿圯

十一年民間謠言採童女孀婦婚嫁殆盡羣虎為患

有一村中食人百餘者歷數年方息

十二年十二月有飛火自城外入紫極宮燬

十六年大旱

康熙二年秋大水每日辰漲申退若潮汐然凡四十餘日
三年有異鳥自西南飛來其羽五彩有冠有髯羣鳥
翼而隨之移時漸入雲際

四年五年皆旱

六年冬大雨雹傷物

七年二月大風雨屋瓦俱飛明己卯賓賢坊毀六月
望二日地震

鄱陽縣志

卷二十一

災祥

九

八年六月望後二日地震十月二十日巳時虹見於
北殷雷是夜雷風大作閃電

九年六月六日橋頭山晝晦黃塵蔽天三里許大雨
雪色甚黃樹林茅屋皆積

十年夏六月不雨至十有一月泉盡竭二十八都有
潭深數丈至是見底內有石刻洪武三年見此六字
十一年春民大饑草木實俱食盡顛仆者相望巡道
賈廷蘭別駕趙樞捐米分賑

十三年五月淫雨六月大水城市行船時科試殿前
水深三尺生童跣足入場

十九年大水圩堤俱壞夏秋無收

二十年六月大水沿河廬舍漂沒城中往來以舟米價騰貴

二十一年六月水較萬歷三十六年大二尺八十老人云此日所未觀

二十二年大水田地漂沒人民困乏

二十四年旱災蠲賑

二十九年夏旱傷禾

三十年春霖傷麥民間有月餘不穀食者

三十一年七月初八巳午間月見於東

鄱陽縣志

卷二十一

災祥

十

三十二年秋雪

三十四年清明後八日極寒雪霰並集

三十七年二月四日大雨雹屋瓦多碎

五十四年秋大雨同日山圯二十餘處利陽鎮寺山

裂為二

五十五年五月大水入郡治二門城多傾圯舟行其上

五十八年異鳥止青湖夏姓園樹虎頭駁色大如犢聲甚厲不畏彈射越三日始去

六十年秋大旱東湖水熱如湯魚盡浮死

雍正三年秋旱附郭居民火日數發民多携囊橐什器露宿湖濱凡三月餘始復

四年三月永平關火燔民居百有餘戶城樓燬八年七月地震

乾隆二年虎患大作歷數年始息計傷三百餘人

三年正月十一日大風雨雹有大如拳者碎屋瓦殺鳥雀

四年冬燠除夕單衣夜半朔風大作元旦雨雪木冰八年春大饑米價騰貴斗米銀三錢鄱東諸山竹生實如米民採之日得升許炊食之味如麥

鄱陽縣志

卷二十一

災祥

十一

九年十一月大雪嚴凍竹與樟皆枯死洲渚鳧雁多斃

十年牛大疫有通村皆斃者

十二年永平關火

事考

鄱當全省之背歷代兵爭在豫章則為四戰矣西南阻彭蠡東北帶以層巒而土產頗饒可耕可戰故屢為寇盜所窺伺至黃巢而受禍極矣非獨興王者略土所必經也夫沒齒不見兵革而服疇食德犬臥無驚雨甲苔槍虎皮弗啟於以安享寧謐之福而咏歌太平寧非人生之厚幸歟歷稽往蹟自春秋來二千餘年所見所聞可駭可愕成敗得失之故如從壁上而觀亦色變於談虎矣

周

鄱陽縣志

卷二十一 事考

十一

敬王十五年

丙申楚昭王十二年通鑑十四年乙未

吳復伐楚取番

史記楚世家

括地志云饒州鄱陽縣春秋時為楚東境秦為番縣屬

九江郡

元王三年

戊辰魯哀公二十二年

冬十一月越滅吳

左傳

顯王三十五年

丁亥

楚滅越

資治通鑑

赧王十六年

壬戌

秦伐楚取八城

綱鑑

按上三事舊志俱綴取番史傳皆無明文意番為楚境特係之以著其地耳

秦

始皇二十六年

庚辰

遣尉屠睢將兵十萬分駐童湖錦族

湖民思亂 府志

二世帝二年 癸巳

番陽令吳芮使英布將其兵擊秦

通鑑綱目

漢書列傳云吳芮秦時番陽令也甚得江湖間民心號曰番君黥布六人也姓英氏布以論輸驪山驪山之徒數十萬人布皆與其長豪傑交通乃率其曹耦亡之江中為羣盜陳勝之起也布見番君其眾數千人番君以女妻之章邯滅陳勝破呂臣軍布引軍北擊秦左右校破之青波引兵而東

三年 甲午

史記高祖本紀

沛公還攻胡楊遇番君別將梅銷與偕降析酈

鄱陽縣志

卷二十一 事考

十三

漢

十二年 丙午

十月高祖已擊布會甄布走令別將追之拜

沛侯劉濞為吳王漢別將擊布軍洸水南北皆大破之追得斬布鄱陽 同上

史記黥布傳曰布之初反謂其將曰上厭兵必不能來使諸將獨畏淮陰彭越今皆已死餘不足畏也故遂反東擊荊荆王劉賈走死富陵盡劫其兵渡淮擊楚楚為三軍欲以相救為奇布破其一軍其二軍散走遂西與上兵遇蘄西會甄布軍敗走故與番君婚長沙成王使人給布偽與亡誘走越故信而隨之鄱陽鄱陽人殺布

茲鄉民田舍

武帝建元六年

丙午

使番陽令唐蒙風曉南粵

漢書閩粵王傳

獻帝建安八年

癸未

權西伐黃祖破其舟軍惟城未克山

寇復動還過豫章使呂範平鄱陽

吳書吳主傳

呂範傳云征江夏還定鄱陽

十五年

庚寅

吳分豫章為鄱陽郡

吳主傳

步騭傳云建安十五年出領鄱陽太守

二十一年

丙申

鄱陽民尤突受曹公印綬化民為賊賀齊

與陸遜討破突斬首數十餘黨震服

吳書賀齊傳

三國

鄱陽縣志

卷二十一 事考

十四

漢後帝建興七年

巴酉吳黃武八年

吳以周魴為鄱陽太守

時吳郡人彭綺作亂魴既生擒綺賊帥董嗣復劫掠豫

章吳梁王浴以三千兵攻守連月不能拔魴來以便宜

從事間諜殺嗣遂定

晉

成帝咸和三年

戊子

春正月蘇峻反嶠屯尋陽遣鄱陽內

史紀瞻等率舟師赴難

溫嶠傳

安帝元興三年

甲辰

鄱陽太守桓放之率兵拒桓元

安帝義熙六年

庚戌

春正月盧循寇南康廬陵豫章陷之

江州刺史庾悅以鄱陽太守虞印進為前驅屢破循兵

進據豫章絕循糧道 通鑑紀事

齊

海陵王延興元年

甲戌即鬱林王隆昌元年及明帝建武元年也

秋九月宣城公

鸞殺鄱陽王鏘等七人

通鑑綱目

梁

武帝大同元年

乙卯

冬十二月鄱陽鮮于琮反內史陸襄

討平之

豫章書

陸襄傳云大通七年為鄱陽內史先是郡人鮮于琮服食修道法常入山採藥拾得五色幡旄又於地中得石壘竊怪之琮先與妻別室望琮所處常有異氣益以為

鄱陽縣志

卷二十一

事考

十五

神大同元年遂結門徒殺廣晉令王筠號上願元年署置官屬其黨轉相誑惑有衆萬餘人將出攻郡襄先已率人吏修城隍為備及賊至破之生獲琮

太清二年

戊辰

秋八月鄱陽王範密啓侯景謀反不報

豫

章書

韋祭傳云鄱陽王範自合肥遣西豫州刺史裴之高與其世子嗣帥江西之衆赴都屯於張公洲待上流諸軍會帝召祭還為散騎常侍適外弟司州刺史柳仲禮帥師同至橫江乃命之高遣船渡仲禮與祭合軍

簡文帝大寶元年

庚午

春正月梁始興太守陳霸先進軍

南康邵陵王綸自鄱陽進至九江引兵西上假黃鉞都督承制討侯景 豫章書

二年 辛未 秋七月于慶自鄱陽遷豫章侯瑱拒之走江州 通鑑綱目

豫章書云二年正月新吳余孝頃舉兵拒侯景景遣于慶攻之不克六年孝頃遣兄子僧重將兵救鄱陽于慶走還豫章復走江州據郭默城

陳

文帝天嘉六年 乙酉 遣都督程靈洗自鄱陽別道擊周迪破之迪與麾下十餘人竄山谷中後遣人潛出臨川市

鄱陽縣志

卷二十一

事考

六

魚鮭臨川太守駱牙誘而斬之 豫章書

隋

文帝開皇九年 己酉 春正月滅陳王世積至豫章告諭諸郡鄱陽守將詣世積降 隋書王世積傳

十年 庚戌 冬十一月樂安蔡道人饒州吳世華皆自稱大

都督詔上柱國內史令越國公楊素討平之 文帝紀

煬帝大業三年 丁卯 鄱陽民相殺掠郡守梁文謙檄巡官

劉宗弼招安乃定

十二年 丙子 冬十二月鄱陽林士弘稱楚帝據江南 通鑑綱目

江西大志云冬十月鄱陽賊帥操師乞自稱元興王建

元始興攻陷豫章郡以其鄉人林士弘為大將軍詔治書侍御史劉子翊將兵討之師乞中流矢死士弘代統其眾與子翊戰于彭蠡湖子翊敗死士弘兵大振至十餘萬人十二月士弘自稱皇帝國號楚建元太平遂取九江臨川南康宜春等郡豪傑爭殺隋守令以郡縣應之其地北自九江南及番禺皆為所有

按煬帝本紀云鄱陽賊操天成舉兵反自號元興王建元始興攻陷豫章郡唐書林士弘傳則云隋季與鄉人操師乞起為盜師乞自號元興王建元天成據豫章蓋隋紀悞以名號為名而大志亦未覈借元之實也通志原跋

鄱陽縣志

卷二十一

事考

十七

十三年

丁丑即代王侑義寧元年

冬十二月蕭銑

取豫章林士弘退保

餘干

通鑑綱目

豫章書云方與賊帥張善安襲陷廬江郡因渡江歸林士弘于豫章士弘疑之營于南塘上善安恨之襲破士弘焚其邪郭而去士弘徙居南康蕭銑遣其將蘇胡兒襲豫章克之士弘退保餘干

唐

高祖武德五年

壬午

冬十月楚王林士弘卒其眾遂散

通

鑑綱目

林士弘傳云士弘弟鄱陽王藥師以兵二萬圍循州總

管王世略破斬之士弋請降王戎士弋亦獻南昌地詔

成為南昌州總管士弋復遁保安城山袁人相聚應之

為張善安所察以兵赴討會士弋死黨乃解

據府志云士弋出營處州戰敗降唐左右欲叛遂入安

城山死

太宗貞觀十八年甲辰秋七月上將征高麗勅將作大監

閻立德等詣洪饒江三州造船四百艘以載軍糧豫章書

中宗嗣聖六年巳丑武后夏四月太后殺鄱陽公謹等十

二人通鑑綱目

豫章書云謹謀迎中宗于廬陵故誅

鄱陽縣志

卷二十一 事考

六

肅宗至德二年丁酉春二月江南採訪使李成式討永王

璘璘敗府志作與唐將與高仙琦奔鄱陽司馬陶備閉

城璘怒焚城門以入收其庫兵掠餘干將走嶺表江西

採訪使皇甫侁府志兵追及之戰大庾嶺璘中矢被執

侁殺之其子襄城王偁為亂兵所害仙琦逃去永王璘

僖宗乾符五年戊戌春二月黃巢陷虔吉饒信等州通鑑

唐紀云二月王仙芝伏誅其將王重隱陷饒州刺史顏

標死之

六年巳亥黃巢掠饒信等十五州衆至二十萬通鑑綱目

廣明元年庚子正月淮南將張濬及黃巢戰于大雲倉敗

之四月潯克饒州帝紀

豫章書云張潯渡江擊賊帥王重霸降之屢破黃巢軍巢退保饒州別駕常宏以其眾數萬降潯攻饒州克之巢走屯信州遇疾疫卒徒多死潯急擊之巢以金啗潯且致書請降于高駢求保奏駢欲誘致之許為求節鉞時昭義感化義武等軍皆至淮南駢恐分其功乃奏賊不日當平不煩諸道兵請悉遣歸賊訥知諸道兵已北渡淮乃告絕于駢且請戰駢怒令潯擊之兵敗潯死巢勢復振以下鄱陽民彭璋餘干民余鐸共起義兵禦之府志中和二年壬寅撫人危全諷遣將黃澄據有饒州舊志

鄱陽縣志

卷二十一 事考

十九

昭宗乾寧元年

甲寅

淮南節度使楊行密取饒州

昭宣帝天祐

昭宗舊號

三年

丙寅

江西觀察使鍾匡時據饒州

淮南節度使楊渥遣將秦裴襲之擒其將劉楚刺史唐寶以城復歸渥舊志

五代

唐天祐六年

已巳唐亡于四年晉岐淮南猶稱唐天祐六年乃梁之開平三年也

歙州刺史

陶雅使其子敬昭及都指揮使徐章將兵襲饒信饒州刺史唐寶棄城走豫章書

周太祖廣順二年

壬子

唐削湖南節度使邊鎬官爵流饒

州通鑑綱目

唐邊鎬拔潭州魏岑馮延巳延魯以師出有功皆踴躍
贊成之徵求供億府庫為之耗竭洪饒撫信之民尤苦
之同上

周世宗顯德六年已未唐主沅禮部侍郎鍾謨於饒州通

鑑綱目

謨數奉使入周世宗及唐主皆厚待之恃此驕橫既又
請立紀公從善為嗣唐主由是怒徙鄭王從嘉為吳王
居東宮謨請令張巒以所部兵巡徼都城唐主乃下詔
暴謨罪流饒州未幾殺之同上

按府志縣志俱載顯德五年取南唐饒州考通鑑綱目

鄱陽縣志

卷二十一 事考

二十

五年唐主遣使畫獻江北地畫江為境以求息兵周主
罷兵引還馬令南唐書周顯德六年南唐中主以建康
與敵境隔江豫章據上沅秋七月升洪州為南昌建南
都六年且以建康連界中隔豫章其後建隆二年唐主
尚至南都迨宋太祖開寶八年曹彬平江南得州十有
九洪饒虔吉皆在焉其謫可知矣但綱目載顯德五年
夏五月唐主更名景去帝號奉周正朔即謂唐統于周
可耳

宋

太宗太平興國六年辛巳江西轉運副使張齊賢鑄錢饒

州是年江西轉運副使范正辭獲饒州羣盜
鄱民甘紹積財巨萬為盜所掠捕及無辜正辭計獲真
盜餘得釋

真宗大中祥符二年巳酉弛饒採金之禁從轉運使凌策
所請

滕子京為左司諫以言得罪監鄱陽郡權酷范文正集

高宗建炎四年庚戌除呂頤浩江東安撫大使兼知池州

駐軍鄱陽呂頤浩傳

紹興元年辛亥賊帥張琪自徽犯饒州有衆五萬呂頤浩
自左蠡班師命其將閻舉姚端崔邦弼列陣以待琪犯

鄱陽縣志

卷二十一 事考

三

舉軍舉力戰端邦弼兩軍夾擊大破之江西大志

二年壬子夏六月召呂頤浩入朝冬十月置饒州馬監宋

史記簡錄

孝宗乾道四年戊子夏五月饒飢民哨聚遣官措置賑濟
同上

理宗開慶元年巳未秋八月蒙古自黃州渡江冬十月改

趙葵江東西宣撫加益國公節制調遣饒信等七州官
軍民兵以禦之趙葵傳

恭帝德祐元年乙亥元至二月壬戌元兵徇饒州謝枋得

迎戰不利通判萬道同以城降知州事唐震故相江萬

里死之乙丑張世傑復饒州邑人常福生尋以城降舊志
元兵陷饒州設利陽鎮秋方登代之府志

唐震傳云恭帝立起知饒州饒兵止千八百元軍略地
震發民城守昧爽出治兵中夜不寐兵使來索款狀通
判萬道同偕寓士謀陰斂白金牛酒備降禮震叱去之
民李希聖謀出降械寘于獄城中感其義共殺使者明
年德祐改元二月兵大至都大提舉鄧益遁震出府庫金錢
揭于市募人出戰衆懼無能應者北兵登陴遂潰震不
屈與兄椿及家人俱死

文天祥傳云德祐元年詔天下勤王天祥上疏乞分天

鄱陽縣志

卷二十一 事考

下為四鎮以福建益江東建閩鄱陽責取江東不報

二年丙子元至五月益王昱即位于福州改元景炎詔以

謝枋得為江東制置使進兵饒州宋史紀事

府志云帝昺當作昺景炎初武良弼攻饒州謝枋得舉義

兵章如旦黃萬全魯和應之三人俱戰死

浮梁兵燹志云正月元兵次饒州秋方登降范相棄城
復走

元

世祖至元十六年已卯二月宋主昺赴海死遷張弘略江西宣慰使會

饒州盜起犯都昌弘畧以為饒雖屬江東時屬江東建康道與

南康止隔一湖此寇不滅則吾境必有相煽而起者乃使人直搗巢穴生縛賊首磔于市餘黨潰散下令曰不操兵者皆為平民餘無所問元史張弘畧傳

十九年壬午冬十一月以饒州復隸隆興省元史本紀

二十三年丙戌移明威將軍鎮饒州安仁劇賊蔡福一叛

秉節與有司會兵討之擒福一餘黨悉平齊秉節傳

順帝至正十二年壬辰春三月徐壽輝蘄州人僭號天完偽將項

普畧郡邑志俱載普壽陷饒州執總管魏中立不屈死之元史紀事

亦憐真班傳云十二年移江西行省左丞相妖寇鄒普

勝由蘄黃陷饒州

鄱陽縣志 卷二十一 事考

府志云餘干土人吳宏據守饒州分立鄉寨各守地方

一時民稍倚之

十三年癸巳夏五月江西左丞亦憐真班江浙左丞老老

取道自信州元帥韓邦彥哈迷取道由徽州浮梁同復

饒州蘄黃賊聞風皆奔潰豫章書

府志云鄱陽義士胡振祖為嚮道吳宏率眾降旋苦其

殺戮復叛之

按府志舊志皆載元平章三旦八元帥韓邦彥復饒州

與豫章書異

十五年乙未冬十一月賊陷饒州路豫章書

舊志云十五年十一月偽漢陳友諒遣花指揮陷饒州尋復之

十八年 戊戌 偽彭翼以吳宏守饒州陳友諒殺翼授宏平章守餘干 府志

二十年 庚子 夏五月明兵取信州路秋七月徐壽輝舊將浮梁院判于光左丞余椿擊走偽漢將辛同知取饒州以城來降命鄧愈往鎮之饒濱鄱陽湖友諒數遣舟師來攻愈與光連營拒之 明史紀事

二十一年 辛丑 明大帥王思義克鄱陽之利陽鎮擒賊首楊文友戮之遂會僉院鄧愈兵于三洞源議取浮梁 豫

鄱陽縣志

卷二十一 事考

二五

章書

二十三年 癸卯 秋八月明兵與偽漢兵大戰于鄱陽湖陳友諒敗績而死 元史本紀

明史紀事云二月偽漢太尉張定邊陷饒州于光走還四月陳友諒忿其疆場日熾大作舟艦高數丈飾以丹漆上下三級級置走馬棚下設板房為蔽置艣數十其中上下人語不相聞艣箱皆裹以鐵自謂必勝載其家屬百官空國而來兵號六十萬攻南昌壬戌薄城下諸將分門拒守圍攻凡八十有五日夜守益堅七月癸酉太祖自將兵救洪都徐達常遇春亦自廬州還太祖親督

諸將會師禡纛于龍江舟師凡二十萬癸未進次湖口先遣指揮戴德以一軍屯于涇江口復以一軍屯南湖嘴以遏友諒歸師又遣人調信州兵守武陽渡防其奔逸丙戌友諒聞太祖至解圍東出鄱湖逆戰太祖率諸將由松門入鄱陽湖丁亥遇于康郎山友諒列巨舟當我師太祖見之謂諸將曰彼巨舟首尾連接不利進退可破也乃命舟師為二十隊火器刀弩以次而列戒諸將近寇舟先發火器次弓弩及其舟則短兵擊之戊子徐達常遇春廖永忠等進兵搏戰達身先諸將擊敗其前鋒殺千五百人獲一巨舟而還軍聲大振俞通海復

乘風發火礮焚寇舟二十餘艘殺溺死者甚衆徐達等搏戰不已火延及達舟敵乘之達撲火更戰太祖亟遣舟援達友諒驍將張定邊奮前犯太祖舟舟膠于沙漢兵匝焉程國勝劍叱之與陳兆先大奮擊牙將韓成進曰古人殺身以成仁吾不敢愛其死乃服上冠袍對敵自投水中敵信之攻少緩宋貴陳兆先俱戰死常遇春從傍射中定邊定邊舟始却俞通海來援舟驟進水湧太祖舟遂脫通海與廖永忠以飛舸追定邊定邊走身被百餘矢退去會日暮太祖鳴鉦集諸將申約束恐張士誠乘虛入寇命徐達回守建康己丑太祖復親布陣

與友諒戰友諒悉巨舟連鎖為陣旌旗樓櫓望之如山
我舟小仰攻多却太祖親麾之不前右師少却立命斬
隊長十餘人猶不止郭興進曰非人不用命舟小大不
敵也臣以為非火攻不可太祖然之命常遇春等分調
漁舟載荻葦置火藥其中至晡時東北風起命以七舟
束草為人飾以甲冑持兵戟若鬪敵狀令敢死士操之
備走舸于後將迫敵舟乘風縱火風急火烈須臾抵敵
舟焚水寨數百艘燔焰漲水湖水盡赤死者大半友諒
弟友仁友貴及其平章陳普畧等皆焚死我師乘之又
斬二千餘級友仁者即所謂五王也眇一目有智數梟

勇善戰至是友諒為之喪氣普畧即新開陳也是日張
志雄舟檣折為敵所覺以數舟攢兵鈎刺之志雄窘迫
自剄丁普郎余昶陳弼徐公輔皆戰死普郎身被十餘
鎗首脫猶植立舟中不仆持兵若戰狀時太祖所乘舟
檣白友諒覺欲併力來攻庚寅夜令諸船盡白其檣旦
莫能辨敵益駭辛卯復率眾大戰自辰至巳不解時劉
基侍忽躍起大呼太祖亦驚起回顧但見基雙手揮之
曰難星過急更舟太祖如言入他舟坐未定舊所御舟
以礮碎矣友諒乘高見舟碎喜甚俄太祖麾舟更進皆
失色廖永忠俞通海汪興祖趙庸以六舟深入敵聯大

艦拒戰蔽之舟若沒有頃六舟旋繞漢軍而出勢如游龍諸將見之勇氣百倍呼聲動天地波濤起立日為之晦時漢舟大我師環攻之殺其卒殆盡而操舟者猶不知呼號搖櫓如故已而焚其舟皆死至午敵兵大敗棄旗鼓器仗浮蔽湖面通海等還太祖勞之曰今日之捷諸君之力也友諒戰不利欲退保鞋山我師先至罌子口橫截湖面邀友諒不得出乃斂舟自守不敢更戰是日移舟泊柴棚去敵五里許諸將欲退師少休士卒太祖曰兩軍相持先退非計也俞通海以湖水淺請移舟扼江上流劉基亦密言當移軍湖口期金木相犯日決

勝太祖從之時水路狹隘舟不得並進恐為敵所乘至夜令船置一燈相隨渡淺比明已盡渡乃泊于左蠡友諒亦移舟出泊瀕磯相持者三日初友諒戰不利右金吾曰今戰不勝出湖實難莫若焚舟登陸直趨湖南謀為再舉左金吾曰今雖不利我師猶多殘力一戰勝負未可知何至自焚以示弱萬一舍舟登陸彼以步騎躡我後進不及前退無所據矣友諒猶豫不能決至是亡矢多乃曰右金吾言是也左金吾聞之懼來降右金吾亦率所部來歸友諒兵益衰太祖既駐師彭蠡移書請之友諒得書怒留使者不遣盡殺所獲戰士太祖聞之

命悉出所得友諒軍視其傷者賜藥療之皆遣還下令
曰但獲彼軍皆勿殺又令祭其弟姪及將士戰死者師
出湖口命遇春永忠諸將統舟師橫截之又令一軍立
柵于岸控湖口旬有五日友諒不敢出復移書與之友
諒忿恚不答太祖與博士夏煜等日草檄賦詩意氣彌
壯友諒食盡掠糧于南昌朱文正遣人燔其舟勢益困
時我師水陸結營列柵江南北岸置火舟火筏中流戒
嚴以俟八月壬戌友諒計窮冒死突出繞江下流欲由
禁江遁回太祖麾諸將追擊以火舟火筏衝之敵舟散
走追奔數十里自辰至酉戰不解至涇江口涇江之兵

鄱陽縣志

卷二十一 事考

二十八

復擊之張鐵冠大笑賀曰友諒死矣未幾有降卒來奔
言友諒在別舸中流矢貫睛及顛而死諸軍聞之大呼
喜躍益爭奮擒其太子善兒明日平章陳榮等悉舟師
來降得士卒五萬餘人張定邊乘夜以小舟載友諒屍
及其子理奔還武昌復立理為帝改元德壽
舊志云二十三年明太祖次康山吳宏以兵歸之仍以
宏守饒州與陳友諒大戰鄱湖水盡赤御黃龍舟幸鄱
陽江城樓親書城隍神祀之及諭守臣父老

明

太祖洪武元年

戊申

冬逋寇方丑仁自閩犯饒州知府陶

安總制宋炳堅守三日江西援至麾兵出東北二門合擊斬獲無算寇遂轉掠餘干

成祖永樂二年甲申七月儒士朱季友上所著書詔遣之舊志

時年七十所註四書五經多訛誹宋儒焚其書放還饒州

宣宗宣德七年壬子淮王移國之饒州

英宗正統五年庚申義民山景瞻輸粟賑飢詔行人劉文旌其門

武宗正德十四年己卯夏六月宸濠遣從逆叅政季敦說

鄱陽縣志 卷二十一 事考

饒州降知府林械通志作城拒之濠攻破南康九江府兵備

曹雷知府陳霖汪穎等遁走濠以從逆僉事師夔守九

江械受撫臣主守仁檄合撫州知府陳槐兵復之

世宗嘉靖元年壬午夏五月復設兵備副使于饒州豫章書

四十五年丙寅安插兩浙遊兵于饒州浙以征倭募兵事

寧無所歸朝議散之隣境江西耿文光領一千駐饒築

鴛難制五月廩給愆期執妙果寺耕牛屠以軟盟城門

不啟民思逃竄副使于錦出帑銀安撫庶得首惡周田

等置獄餘無問乃定嗣後守臣漸以計遣去

神宗萬曆三十二年甲辰採礦鵲湖尋罷時開採中貴出

自特遣凡有礦所在民心皇皇及計其工本廩食之費得不償失守臣屢以不便請詔停役民賴以安

熹宗天啓元年 辛酉 福建巡撫遣同知關某督工造戰船于饒州

懷宗崇禎十六年 癸未 水師副將閩人鄭鴻逵率兵造戰船于饒州經歲乃行

十七年 甲申 江北潰兵為寇流入鄱境守備孫之烈率兵禦之戰于上藍敗績死焉賊遂破浮梁歸復至童子渡

守備張供其名亦敗死 孫之烈揚州人武科甲能詩好士及戰死人多哀之會

鄱陽縣志 卷二十一 事考 三十 國亡不獲議卹亦所遭之不幸歟 原跋

國朝

世祖章皇帝順治二年 乙酉 秋

王師下江右郡人以城歸附故淮世子朱由桂焚宮殿遁入閩莫知所終

五年 戊子 春正月金聲桓王得仁據南昌反饒州守將潘永禧以城應之

六年 己丑 二月副將穆生輝復饒州

聖祖仁皇帝康熙十三年 甲寅 秋七月城守叅將程鳳反先是耿逆反于閩中廣信守將叛降鳳部下謀以城應之

未幾萬年失守郡中訛言閩寇即日臨城是月十五夜漏下三刻鳳部日兵十九人露刃劫鳳以叛比明城外寂無應者遂棄城遁逃至浮梁北鄉麻村窰招集積盜勢漸張復遣其黨偽張副將守府城自是賊衆四出荼毒各邑九月閩賊及信賊數萬由樂都至景德鎮掠載財物鄉村如洗十二月偽總兵宋起運駐札景鎮率領諸賊是月巴額二將軍統滿漢官兵自徽州擊敗偽羅都督殺數萬人轉鬪而前克樂平城衆賊聞之棄府城遁遂復饒州

十四年

乙卯

春三月巴額二將軍帥師征廣信留夸蘭大

鄱陽縣志

卷二十一

事考

三

駐防賊謀知兵少數道來寇前鋒賊遇夸蘭大遊兵數十騎于城東五里方接戰適有數騎自十七里北原馳下截出其後賊腹背受敵遂大奔賊殺死者近千人追至磨刀石居民亦奮白梃逐之擁入河中溺死者無算生擒十餘名文武官方會訊于康王廟賊黨偽副將葉某等自他道薄靈芝門緣堞而上守城者擊之逐而復升城遂陷時城守叅將趙登舉署道事同知范文英知府郭萬國等方奮勇逆戰于城北朝天門賊佈竹木器于道馬不能馳復從缺垣空宅中伏烏鎗夾擊勢不能支遂皆遇害署鄱陽縣事縣丞陸之蕃石門司巡檢翁

鳳蕭萬年知縣王萬鑑亦死亂兵中五月將軍希爾根
自省來援賊復棄城遁復饒州程鳳退據德興後竟病
死山中

十五年丙辰夏五月饒鎮都督高登科師入浮境自查村
連營里村賊將陳虎分兵來犯伏兵四起生擒虎裂之
以狗賊勢遂衰

十六年丁巳春三月饒鎮高登科恢復德興縣餘賊仍盤
踞山谷

十八年己未春正月鎮標遊擊佟養正率兵及江南兩浙
兵會勦擒之七邑悉平

鄱陽縣志

卷二十一

事考

三十一